



ANUNCIO INDICATIVO DA PETICIÓN AO SERVIZO PÚBLICO DE EMPREGO DE VILAGARCÍA DE AROUSA DE OFERTA DE EMPREGO.

Anúnciase, de conformidade co disposto no artigo 7 do V Convenio colectivo único para o persoal laboral da Xunta de Galicia, que con esta data, solicitóuse ao Servizo Público de Emprego en Vilagarcía de Arousa, a remisión de tres candidatos para cada unha das seguintes ofertas de emprego:

- Contratación para a realización dun proxecto específico de investigación científica e técnica dun/dunha titulado/a superior enxeñeiro/a de telecomunicación vinculada ao proxecto de investigación "Tecnoloxía Marítima e de Información" (Proxecto 0688_RAIA_TEC_1_P).

Grupo	Categoría	Titulación requirida	Nº de prazas	Requisitos indispensables
I		Titulado/a superior Enxeñeiro/a de telecomunicación	1	1) Experiencia demostrable no desenvolvemento de ferramentas de distribución e xestión de datos oceanográficos. 2) Experiencia demostrable na implementación de servizos Web OGC. 3) Experiencia demostrable en deseños de fondeos para a mostraxe de medidas oceanográficas. 4) Experiencia demostrable en deseño e mantemento de páxinas Web. 5) Coñecementos en electrónica e deseño mecánico asistido por ordenador. 6) Acreditación de coñecemento do idioma galego: Celga 4, título de perfeccionamento do idioma galego ou estudos equivalentes debidamente homologados polo órgano competente en materia lingüística da Xunta de Galicia.



- Contratación para a realización dun proxecto específico de investigación científica e técnica dun/dunha titulado/a superior biólogo/a vinculada ao proxecto de investigación "Tecnoloxía Marítima e de Información" (Proxecto 0688_RAIA_TEC_1_P).

Grupo	Categoría	Titulación requirida	Nº de prazas	Requisitos indispensables
I	10	Titulado/a superior biólogo/a	1	1) Experiencia demostrable en control de calidade de datos de estacións oceanográficas. 2) Experiencia demostrable en manexo de sensores oceanográficos. 3) Experiencia demostrable en mantemento de bases de datos e no manexo de sistemas de información xeográfica. 4) Acreditación de coñecemento de manexo de modelos numéricos de predición oceanográfica. 5) Acreditación de coñecemento do idioma galego: Celga 4, título de perfeccionamento do idioma galego ou estudos equivalentes debidamente homologados polo órgano competente en materia lingüística da Xunta de Galicia.

O prazo de presentación de solicitudes será de **dez días** naturais e o seu cómputo iniciárase o día seguinte ao da publicación destas bases nos taboleiros de anuncios do Intecmar.

Vilaxoan, 8 de novembro de 2013

A directora do Intecmar

M^a Covadonga Salgado Blanco





RESOLUCIÓN DO INSTITUTO TECNOLÓXICO PARA O CONTROL DO MEDIO MARIÑO DE GALICIA (INTECMAR), DO 3 DE NOVEMBRO DE 2011, POLA QUE SE CONVOCA PROCESO SELECTIVO PARA A CONTRATACIÓN PARA A REALIZACIÓN DUN PROXECTO ESPECÍFICO DE INVESTIGACIÓN CIENTÍFICA E TÉCNICA, DUN/DUNHA TITULADO/A SUPERIOR ENXEÑEIRO/A DE TELECOMUNICACIÓN E DUN/DUNHA BIÓLOGO/A VINCULADA AO PROXECTO DE INVESTIGACIÓN: “*Tecnoloxía Marítima e de Información*” (Proxecto 0688_RAIA_TEC_1_P).

No uso das facultades conferidas no artigo 8.2 da Lei 3/2004, de 7 de xuño, de creación do Instituto Tecnolóxico para o Control do Medio Mariño de Galicia (INTECMAR), de conformidade co disposto no artigo 7.5.b do V convenio colectivo único para o persoal laboral da Xunta de Galicia e coa previa autorización conxunta das Direccións Xerais da Función Pública e de Planificación e Orzamentos da Xunta de Galicia, esta Dirección acorda convocar o proceso selectivo para a contratación, na modalidade de realización dun proxecto específico de investigación científica e técnica, dun/dunha titulado/a superior enxeñeiro/a de telecomunicación (Grupo I) e dun/dunha titulado/a superior biólogo/a (Grupo I, Categoría 10) vinculada ao proxecto de investigación “*Tecnoloxía Marítima e de Información*”, código 0688_RAIA_TEC_1_P, subvencionado polo Fondo Europeo de Desenvolvemento Rexional (FEDER) a través do Programa Operativo de Cooperación Transfronteiriza España-Portugal (POCTEP) 2007-2013, con suxeición ás seguintes:

BASES DA CONVOCATORIA

PRIMEIRA.- Normas xerais

1.1.- Convócase proceso selectivo para a contratación na modalidade de realización dun proxecto específico de investigación científica e técnica dun/dunha titulado/a superior enxeñeiro/a de telecomunicación (Grupo I) e dun/dunha titulado/a superior biólogo/a (Grupo I, Categoría 10) vinculada ao proxecto de investigación “*Tecnoloxía Marítima e de Información*”, código 0688 RAIA_TEC_1_P), subvencionado polo Fondo Europeo de Desenvolvemento Rexional (FEDER) a través do Programa Operativo de Cooperación Transfronteiriza España-Portugal (POCTEP) 2007-2013:



Grupo	Categoría	Titulación requirida	Nº de prazas	Requisitos indispensables
I		Titulado/a superior Enxeñeiro/a de telecomunicación	1	1) Experiencia demostrable no desenvolvemento de ferramentas de distribución e xestión de datos oceanográficos. 2) Experiencia demostrable na implementación de servizos Web OGC. 3) Experiencia demostrable en deseños de fondeos para a mostraxe de medidas oceanográficas. 4) Experiencia demostrable en deseño e mantemento de páxinas Web. 5) Coñecementos en electrónica e deseño mecánico asistido por ordenador. 6) Acreditación de coñecemento do idioma galego: Celga 4, título de perfeccionamento do idioma galego ou estudos equivalentes debidamente homologados polo órgano competente en materia lingüística da Xunta de Galicia.
	10	Titulado/a superior biólogo/a	1	1) Experiencia demostrable en control de calidade de datos de estacións oceanográficas. 2) Experiencia demostrable en manexo de sensores oceanográficos. 3) Experiencia demostrable en mantemento de bases de datos e no manexo de sistemas de información xeográfica. 4) Acreditación de coñecemento de manexo de modelos numéricos de predición oceanográfica. 5) Acreditación de coñecemento do idioma galego: Celga 4, título de perfeccionamento do idioma galego ou estudos equivalentes debidamente homologados polo órgano competente en materia lingüística da Xunta de Galicia.



A xornada de traballo e retribucións serán as establecidas no V Convenio Colectivo Único para o persoal laboral da Xunta de Galicia, por ser o de aplicación segundo a Disposición transitoria quinta da Lei 3/2004, de creación do INTECMAR.

O contrato terá unha duración máxima de 6 meses a partir do 1 de xaneiro do 2014.

1.2.- Baixo a supervisión e coordinación dos/das responsables do proxecto de investigación, serán os/as encargados/as das actividades que vai desenvolver o INTECMAR deste proxecto nos primeiros meses do ano 2014 e que son as seguintes:

- Na actividade 1: A mellora da adquisición, almacenamento e transmisión da información xerada pola rede de plataformas de observación marítima así como o estudo de novos sensores e a súa compatibilidade cos equipos actuais.
- Na actividade 2: A extensión do concepto de Infraestrutura de Datos Espaciais (IDEs) como son os datos, metadados e catálogos de fitos espaciais a todos os participantes no proxecto. Faranse testes de esforzo dos servizos de datos espaciais da rede así como a expansión da Rede RAIA nas organizacións e foros de IDEs.
- Na actividade 5: O INTECMAR participará nas reunións xerais e específicas do proxecto, sobre tecnoloxías de monitorización e información do ambiente mariño.
- Na actividade 6: O Intecmar axudará en todas as actividades de comunicación do proxecto e especialmente na asistencia para o desenvolvemento da páxina do proxecto: www.marnaraia.com, ademais da súa participación en foros nacionais e internacionais para a presentación dos resultados do proxecto.

1.3.- O procedemento de selección será o de concurso de méritos, para o que se aplicará o baremo que se acompaña como anexo II desta convocatoria.

1.4.- O INTECMAR celebrará coas persoas seleccionadas ambos contratos de traballo para a realización dun proxecto específico de investigación científica e técnica, segundo as prescricións dos artigos 15 e 17 do Estatuto dos Traballadores, ao abeiro do Real Decreto 2720/1998, do 18 de decembro, polo que se desenvolve o artigo 15 do Estatuto dos Traballadores en materia de contratos de duración determinada, e demais lexislación vixente que resulte de aplicación.

1.5.- As persoas contratadas estarán sometidas ao réxime xeral de incompatibilidades establecido na Lei 53/1984, do 26 de decembro, e disposicións complementarias.



SEGUNDA.- Requisitos dos/as aspirantes

2.1.- Para ser admitidos/as no proceso de selección, os/as aspirantes deberán posuír no día de remate do prazo de presentación de solicitudes e manter ata o momento da formalización do contrato de traballo, os seguintes requisitos:

2.1.1.- Nacionalidade:

- a) Ter a nacionalidade española.
- b) Ou ser nacional dos Estados membros da Unión Europea.
- c) Ou calquera que sexa a súa nacionalidade, o cónxuxe dos españois e dos nacionais de outros Estados membros da Unión Europea, sempre que non estean separados de dereito. Así mesmo, coas mesmas condicións, poderán participar os seus descendentes e os do seu cónxuxe, menores de vinte e un anos que vivan ao seu cargo ou maiores de dita idade dependentes.
- d) Ou as persoas incluídas no ámbito de aplicación dos Tratados Internacionais celebrados pola Unión Europea e ratificados por España nos que sexa de aplicación a libre circulación de traballadores.
- e) Ou os estranxeiros/as que non estando incluídos nos parágrafos anteriores se atopen con residencia legal en España.

2.1.2.- Capacidade legal: ter cumpridos os dezaseis anos de idade e non exceder, no seu caso, da idade máxima de xubilación forzosa.

2.1.3.- Acreditación de coñecemento do idioma galego: acreditación do Celga 4, título de perfeccionamento do idioma galego ou estudos equivalentes debidamente homologados polo órgano competente en materia lingüística da Xunta de Galicia.

2.1.4.- Compatibilidade funcional: posuír a capacidade funcional para o desempeño das tarefas.

2.1.5.- Habilitación: non estar inhabilitado/a para o desempeño de funcións públicas, nin separado/a mediante expediente disciplinario de calquera das administracións públicas. Os/As aspirantes que non teñan a nacionalidade española deberán acreditar que non están sometidos/as a sanción disciplinaria ou condena penal que impida, no seu Estado, o acceso ao emprego público.

2.1.6.- Titulación: estar en posesión, ou en condicións de obter na data de remate do prazo de presentación de solicitudes, a titulación académica sinalada no cadro da base 1.1.

2.1.7.- Estar en posesión, ou en condicións de obter na data de remate do prazo de presentación de solicitudes, os méritos para o cumprimento dos requisitos indispensables sinalados no cadro da base 1.1.



TERCEIRA.- Presentación de instancias

3.1.- Ademais dos/das posíbeis candidatos/as seleccionados/as polo Servizo Público de Emprego, todas aquelas outras persoas que desexaren tomar parte no proceso selectivo, deberán dirixir as súas solicitudes de participación ao INTECMAR, sito no Peirao de Vilaxoán, s/n., en Vilagarcía de Arousa, en horas de oficina de 09:00 a 14:00 (de luns a venres).

As solicitudes deberán presentarse nas dependencias e horario expresados no parágrafo anterior, segundo o modelo de instancia o anexo I, debidamente asinada polo interesado/a, xunto coa copia compulsada do DNI e da documentación acreditativa de cumprir os requisitos esixidos nas bases 2.1.3 e 2.1.6, así como dos méritos alegados para o cumprimento dos requisitos esixidos na base 2.1.7 e para ser valorados segundo o baremo da base 1.3 desta convocatoria. Os méritos alegados deberán referirse á data de publicación desta convocatoria.

Tamén poderán presentarse na forma establecida no artigo 38 da Lei 30/1992, do 26 de novembro, de réxime xurídico das administracións públicas e do procedemento administrativo común; neste caso, o/a aspirante deberá notificar o envío da documentación mediante teléfono (986512320/22) ou Fax (986512300) no mesmo día, e en horario de 09:00 a 14:00 h (de luns a venres).

3.2.- O prazo de presentación de solicitudes será de dez días naturais e o seu cómputo iniciárase o día seguinte ao da publicación destas bases nos taboleiros de anuncios do INTECMAR.

3.3.- Expirado o prazo de presentación de solicitudes, expóranse no taboleiro de anuncios do INTECMAR as listaxes provisionais de admitidos/as e excluídos/as, así como as causas da súa exclusión, para cada unha das prazas. Os/as aspirantes excluídos/as disporán dun prazo de 5 días hábiles, contados a partir do seguinte ao da publicación da resolución, para poderen emendar, de ser o caso, o defecto que motivou a súa exclusión. Para tal efecto, a estimación ou desestimación das ditas peticións de emendas entenderanse implícitas na resolución pola que se publiquen as listaxes definitivas de admitidos/as e excluídos/as.

CUARTA.- Tribunal de selección

4.1.- O tribunal de selección será nomeado pola Dirección do INTECMAR, conforme ao previsto no artigo 11 do vixente Convenio Colectivo Único, e a súa composición farase pública nos taboleiros de anuncios da Dirección do INTECMAR.



4.2.- Os/As membros do tribunal deberanse absterse de formar parte del, cando concorran as circunstancias previstas no artigo 28 da Lei 30/1992, do 26 de novembro, de réxime xurídico das administracións públicas e do procedemento administrativo común e poderán ser recusados/as de acordo co artigo 29 da mencionada Lei.

4.3.- O tribunal non poderá constituírse nin actuar sen a asistencia de, polo menos, a metade máis un/unha dos/das seus membros. As decisións adoptaranse por maioría dos/das presentes.

4.4.- O tribunal, non poderá declarar que superou o proceso selectivo un número superior de aspirantes ao de prazas ofertadas.

4.5.- O tribunal poderá dispor a incorporación aos seus traballos de asesores/as especialistas para todas ou algunhas das probas.

QUINTA.- Cualificación dos/das aspirantes

5.1.- Unha vez publicadas polo tribunal as listaxes definitivas segundo o exposto na base 3.3 desta convocatoria, valoraranse polo tribunal os méritos alegados polos/as aspirantes conforme ao baremo establecido no anexo II. O tribunal fará públicas, nos taboleiros de anuncios do INTECMAR, as listaxes coa baremación provisional dos/das aspirantes, con expresión da puntuación obtida nunha orde decrecente de maior a menor puntuación.

Poderanse formular alegacións contra a baremación das ditas listaxes provisionais, nun prazo de 5 días hábiles, contado a partir do seguinte ao da súa publicación.

O tribunal cualificador, se é o caso, e para os solos efectos de aclarar posibles dúbidas sobre a documentación achegada, poderá requirir a presenza dos/das aspirantes que considere oportuno.

Transcorrido o prazo de alegacións, á vista das reclamacións presentadas e realizadas, de ser o caso, as oportunas correccións á baremación inicialmente asignada a cada aspirante, o tribunal procederá á baremación definitiva, que será elevada á directora do INTECMAR para que dite resolución coas puntuacións definitivas dos/das aspirantes, que será publicada polos mesmos medios que ás listaxes provisionais.

5.2.- O/A primeiro/a aspirante de cada unha das ditas listaxes definitivas publicadas será o/a candidato/a seleccionado/a para a cobertura da praza obxecto desta convocatoria, e deberá presentar no prazo dos tres días hábiles seguintes á data na que se faga pública cadansúa listaxe definitiva, a seguinte documentación:



- a) Certificado médico oficial no que se acrediten os extremos sinalados na base 2.1.4.
- b) Declaración, baixo a súa responsabilidade, de non ter sido separado/a do servizo de ningunha Administración Pública en virtude de expediente disciplinario nin encontrarse inhabilitado/a por sentenza firme para o exercicio de funcións públicas.

5.3.- Se o candidato/a seleccionado/a non presentase a documentación no prazo establecido, ou presentase a súa renuncia á contratación (que se fará mediante solicitude expresa no mesmo prazo sinalado no punto anterior), resultará automaticamente seleccionado/a o/a seguinte aspirante segundo a orde de prelación da lista, que deberá presentar, nun novo prazo de tres días desde o remate do anterior, a documentación sinalada no punto 5.2.

5.4.- Logo de seleccionado/a o/a candidato/a e presentada a súa documentación, segundo o establecido nos puntos anteriores e comprobado o cumprimento dos requisitos esixidos, procederase á formalización da contratación obxecto desta convocatoria.

SEXTA.- Recursos administrativos

As bases desta convocatoria e cantos actos administrativos se deriven dela, co carácter de definitivos ou de trámite cualificados, poderán ser impugnados no prazo e na forma establecidos nos artigos 114 e 115 da Lei 30/1992, do 26 de novembro, de réxime xurídico das administracións públicas e do procedemento administrativo común.

Vilaxoán, 8 de novembro de 2013

A directora do Intecmar

M^a Covadonga Salgado Blanco





ANEXO I

SOLICITUDE DE ADMISIÓN Á CONVOCATORIA PARA A COBERTURA DE POSTOS DE
PERSOAL LABORAL TEMPORAL, PARA A REALIZACIÓN DUN PROXECTO ESPECÍFICO DE
INVESTIGACIÓN CIENTÍFICA E TÉCNICA, DO INSTITUTO TECNOLÓXICO PARA O CONTROL
DO MEDIO MARIÑO DE GALICIA (INTECMAR)

Nº DE SOLICITUDE:

A cubrir polo INTECMAR

GRUPO:	CATEGORÍA :	TITULACIÓN:
.....		

DATA DA RESOLUCIÓN DA CONVOCATORIA:

DATOS PERSONAIS

PRIMEIRO APELIDO.....
SEGUNDO APELIDO.....
NOME.....
NIF.....
DATA DE NACEMENTO: DÍA..... MES..... ANO.....
LOCALIDADE DE NACEMENTO.....
PROVINCIA..... NACIONALIDADE.....
ENDEREZO.....
CONCELLO..... CÓDIGO POSTAL.....
PROVINCIA..... TELÉFONO.....
TITULACIÓN ACADÉMICA.....
CENTRO DE EXPEDICIÓN.....
LOCALIDADE.....

A persoa abaixo asinante, solicita ser admitida nas probas selectivas ás que se refire esta instancia, e
DECLARA baixo a súa responsabilidade, que son certos os datos consignados nela, que reúne os
requisitos obrigatorios sinalados na convocatoria, e que se compromete a probar documentalmente
os datos que figuren nesta solicitude.

En de do 2013

Asdo:

DIRECTORA DO INTECMAR



ANEXO II

BAREMO PARA A SELECCIÓN DE PERSOAL LABORAL TEMPORAL

1. Por cada mes de servizos prestados na Xunta de Galicia **na mesma categoría á que se pretende acceder**: 0,15 puntos/mes.

2. Por cada mes de servizos prestados noutras administracións públicas **na mesma categoría** e referidos aos últimos 5 anos: 0,10 puntos/mes.

3. Por cada mes de servizos prestados nas empresas privadas **na mesma categoría** e referidos aos últimos 5 anos: 0,05 puntos/mes.

A suma da puntuación dos apartados 1, 2 e 3 non poderá exceder de 5 puntos.

4. Por cada curso **directamente relacionado coas funcións propias da praza á que se opta** organizado e impartido directamente pola Escola Galega de Administración Pública, Fegas, Academia Galega de Seguridade Pública, INAP, escolas oficiais de formación das restantes comunidades autónomas, universidades, Inem, Dirección Xeral de Formación Ocupacional da Consellería de Traballo, cursos de formación continua do AFCAP, **segundo a relación de materias que se establezan na convocatoria**:

- Cursos ata 25 horas: 0,1 puntos.
- Cursos de máis de 25 horas e menos de 75 horas: 0,2 puntos.
- Cursos de 75 horas ou máis: 0,3 puntos.

5. Polo coñecemento acreditado do idioma galego (só se valorará o grao superior alegado) e que sexa superior ao establecido como requisito de acceso:

- En grao de iniciación/celga 3: 0,50 puntos.
- En grao de perfeccionamento/celga 4: 0,75 puntos.
- Outros de grao superior ao anterior: 1 punto.

Só se concederá validez, polo que á acreditación do galego se refire, aos cursos ou titulacións homologados polo órgano competente en materia lingüística da Xunta de Galicia.

6. De producirse empate na puntuación, acudirase para dirimilo á outorgada polos méritos alegados segundo a orde establecida neste anexo e de persistir, a favor do candidato cuxo primeiro apelido comece pola letra X, segundo o establecido pola resolución da Consellería de Facenda de 15 de xaneiro de 2013 (DOG nº 15, do 22 de xaneiro).

Non obstante o anterior, no suposto de infrarrepresentación do sexo feminino nos termos establecidos no artigo 37 da Lei 7/2004, do 16 de xullo, galega para a igualdade de mulleres e homes, o primeiro criterio de desempate será o de ter a condición de muller.